

**SOS**

অতি সংক্ষিপ্ত প্রশ্নোত্তর :

\*\*\* ১। নগদান বই কী?

বাকাশিবো- ২০০৬, ০৭, ১০, ১১, ১৪, ১৯

**উত্তরঃ** যে প্রাথমিক হিসাবের বইতে যাবতীয় নগদে সম্পাদিত লেনদেন তারিখের ক্রমানুসারে ধারাবাহিকভাবে লিপিবদ্ধ করা হয় তাকে নগদান বই বলে।

অথবা, যে বিশেষ জাবেদায় নগদ লেনদেনসমূহ তারিখ ক্রমানুসারে ধারাবাহিকভাবে লিপিবদ্ধ করা হয় তাকে নগদান বই বলে।

\*\*\* ২। দু'ঘরা নগদান বই কাকে বলে?

বাকাশিবো- ২০১১, ১২'পরি

**উত্তরঃ** যে নগদান বইতে নগদ ও ব্যাংকের মাধ্যমে সম্পাদিত লেনদেনসমূহের টাকার পরিমাণ লেখার জন্য ডেবিট ও ক্রেডিট পাশে দুইটি করে ঘর থাকে তাকে দু'ঘরা নগদান বই বলে। এ সকল নগদান বইয়ের ঘর সংখ্যা মোট ১২ টি।

\*\*\* ৩। খুচরা নগদান বই কী?

বাকাশিবো- ২০০৩, ০৪, ০৮, ১৬'পরি

**উত্তরঃ** বড় ব্যবসা প্রতিষ্ঠানের দৈনন্দিন নগদ খুচরা খরচের লেনদেন লিপিবদ্ধ করার জন্য যে বিশেষ নগদান বই ব্যবহার করা হয় তাকে খুচরা নগদান বই বলা হয়। ইহাকে পেটি ক্যাশবুকও (Petty Cash Book) বলা হয়।

**\* ৪। বাটা (Discount) কী?**

বাকাশিবো- ২০০৩

**উত্তরঃ** ব্যবসা ক্ষেত্রে প্রচলিত নিয়ম অনুসারে প্রাপ্য টাকা বা বিক্রয় মূল্য থেকে নির্দিষ্ট হারে যে পরিমাণ টাকা ছেড়ে দেয়া হয় বা ক্রয়ের ক্ষেত্রে যে অর্থ কম দেয়া হয় তাকে বাটা বলে।

**\*\*\* ৫। কারবারি বাটা বা ব্যবসায়িক বাটা কী?**

বাকাশিবো- ২০১৪, ১৭, ১৮'পরি, ২২, ২৩

**উত্তরঃ** বিক্রেতা পণ্যের তালিকার মূল্য থেকে ক্রেতাকে অনেক সময় কিছু ছাড় দিয়ে থাকে। এই ছেড়ে দেয়া টাকার পরিমাণকে ব্যবসায়িক বাটা বা কারবারি বাটা বলে।

**\*\*\* ৬। নগদ বাটা কাকে বলে?**

বাকাশিবো- ২০০৯, ১১, ১২, ১৯, ২০

**উত্তরঃ** বাকীতে বিক্রিত পণ্যের মূল্য বা পাওনা টাকা যথাসময়ে বা তাড়াতাড়ি আদায়ের জন্য ক্রেতা বা দেনাদারকে যে ছাড় দেয়া হয় তাকে নগদ বাটা বলে।

**\*\*\* ৭। কন্ট্রা এন্ট্রি বা বিপরীত দাখিলা কাকে বলে?**

বাকাশিবো- ২০০৬, ০৮, ০৯, ১২, ১৫, ১৮, ২৪

**উত্তরঃ** যে সমস্ত লেনদেন নগদান বইয়ের ডেবিট ও ক্রেডিট উভয় দিকে হিসাবভুক্ত হয়, তাকে কন্ট্রা এন্ট্রি বা বিপরীত দাখিলা বলে।

**\*\* ৮। ব্যাংক হিসাবের ডেবিট ও ক্রেডিট উদ্ধৃত দিয়ে কী বুঝায়?**

বাকাশিবো- ২০১৩, ১৪, ১৬

**উত্তরঃ** ব্যাংক হিসাবের ডেবিট উদ্ধৃত দ্বারা ‘ব্যাংক জমা’ বুঝিয়ে থাকে, যা প্রতিষ্ঠানের সম্পদ। অন্যদিকে, ব্যাংক হিসাবের ক্রেডিট উদ্ধৃত দ্বারা ব্যাংক জমাতিরিক্ত উত্তোলন বুঝিয়ে থাকে, যা প্রতিষ্ঠানের দায়।

**\* ৯। নগদান বই কেন প্রস্তুত করা হয়?**

বাকাশিবো- ২০০৯, ২০

**উত্তরঃ** ব্যবসায় প্রতিষ্ঠানের আয়তন ও প্রকৃতি অনুযায়ী নগদান বই প্রস্তুত করা হয়। একটি নির্দিষ্ট সময়ে কারবারের মোট নগদ প্রাপ্তি ও প্রদান, নগদ উদ্ধৃতের পরিমাণ জানা এবং ব্যবসায়ের স্বাভাবিক গতিশীলতা রক্ষার জন্য নগদান বই প্রস্তুত করা হয়।

**\* ১০। তিনঘরা নগদান সবসময় ডেবিট উদ্ধৃত প্রকাশ করে কেন?**

বাকাশিবো- ২০২২, ২৩

**উত্তরঃ** নগদান প্রাপ্তির চেয়ে নগদ প্রদান বেশি হতে পারে না বলে নগদান বই সবসময় ডেবিট উদ্ধৃত প্রকাশ করে।

**SOS**

সংক্ষিপ্ত প্রশ্নোত্তর :

\* ১। নগদান বইয়ের বৈশিষ্ট্যগুলো কী কী?

বাকাশিবো- ২০০৩

**উত্তরঃ** নগদান বইয়ের বৈশিষ্ট্যগুলো নিম্নরূপঃ

- ১.নগদ লেনদেনের হিসাব সংরক্ষণ
- ২.খতিয়ানের অনুরূপ অবকাঠামো
- ৩.ডেবিট উদ্বৃত্ত প্রকাশ জাবেদা ও খতিয়ান উভয়ই
- ৪.নগদ তহবিল নির্ণয়
- ৫.খতিয়ানে স্থানান্তর সহজ।

\*\*\* ২। কারবারি বাটা ও নগদ বাটার মধ্যে পার্থক্য দেখাও।

বাকাশিৰো- ২০০৪, ০৫, ০৬, ০৮, ০৯, ১০, ১২, ১৩, ১৪, ১৮

**উত্তরঃ** কারবারি বাটা ও নগদ বাটার মধ্যে পার্থক্য হলো :

| কারবারি বাটা                                                                                                                                      | নগদ বাটা                                                                                                                                  |
|---------------------------------------------------------------------------------------------------------------------------------------------------|-------------------------------------------------------------------------------------------------------------------------------------------|
| ১) বিক্রেতা পণ্যের তালিকার মূল্য থেকে ক্রেতাকে অনেক সময় কিছু ছাড় দিয়ে থাকে। এই ছেড়ে দেয়া টাকার পরিমাণকে ব্যবসায়িক বাটা বা কারবারি বাটা বলে। | ১) বাকীতে বিক্রিত পণ্যের মূল্য বা পাওনা টাকা যথাসময়ে বা তাড়াতাড়ি আদায়ের জন্য ক্রেতা বা দেনাদারকে যে ছাড় দেয়া হয় তাকে নগদ বাটা বলে। |
| ২) এটি তালিকা মূল্যের উপর ধরা হয়।                                                                                                                | ২) এটি নীট বিক্রয় মূল্যের উপর ধরা হয়।                                                                                                   |
| ৩) এ বাটা সাধারণ হিসাবে লেখা হয় না।                                                                                                              | ৩) এ বাটা হিসাবের বইয়ে সর্বদাই লেখা হয়।                                                                                                 |
| ৪) খুচরা বিক্রেতাকে কিছু মুনাফা আর্জনে সাহায্য করাই এ বাটার উদ্দেশ্য।                                                                             | ৪) দেনাদারের নিকট হতে তাড়াতাড়ি অর্থ আদায় করা এ বাটার উদ্দেশ্য।                                                                         |
| ৫) উৎপাদনকারী বা পাইকারী বিক্রেতা খুচরা পাইকারিকে এ বাটা প্রদান করে।                                                                              | ৫) যে কোনো বিক্রেতা দেনাদারকে এ বাটা প্রদান করে।                                                                                          |
| ৬) শুধুমাত্র ক্রয়-বিক্রয়ের সময় এ বাটা প্রদান করা হয়।                                                                                          | ৬) শুধুমাত্র দেনাদারের নিকট হতে নগদ বা চেক প্রাপ্তির সময় এ বাটা দেওয়া হয়।                                                              |
| ৭) সকল ক্রেতাকে একই হারে বাটা দেওয়া হয়।                                                                                                         | ৭) পরিশোধের সময়ের ভিত্তিতে বিভিন্ন ক্রেতার মধ্যে কম বেশি হয়।                                                                            |
| ৮) নগদ বাটা গণনার পূর্বে কারবারি বাটা গণনা করা হয়।                                                                                               | ৮) কারবারি বাটা হিসাব করার পর নগদ বাটা গণনা করা হয়।                                                                                      |
| ৯) এর আওতা সীমিত।                                                                                                                                 | ৯) এর আওতা ব্যাপক।                                                                                                                        |

\*\*\* ৩। “নগদান বই জাবেদা ও খতিয়ান উভয়ই”-ব্যাখ্যা কর।

বাকশিৰো- ২০০৩, ০৮, ১১, ১৪, ১৭, ১৯

**উত্তরঃ** নগদান বইকে জাবেদা ও খতিয়ান উভয়ই বলার কারণসমূহ নিচে আলোচনা করা হলো :

নগদান বইকে জাবেদা বলার কারণ :

- ১.নগদান বই জাবেদার ন্যায় প্রাথমিক বই। কারণ প্রতিটি লেনদেন সংঘটিত হওয়ার সাথেই নগদান বহিতে লেখা হয়।
- ২.জাবেদার ন্যায় প্রতিটি লেনদেনকে তারিখ অনুযায়ী লিপিবদ্ধ করা হয়।
- ৩.জাবেদার ন্যায় প্রতিটি লেনদেনের ব্যাখ্যা বা বিবরণ দেওয়া হয়।
- ৪.জাবেদার ন্যায় প্রতিটি লেনদেনকে খতিয়ান হিসাবে স্থানান্তর করা হয়।
- ৫.জাবেদার ন্যায় নগদান বইতেও পৃষ্ঠা নাম্বার থাকে।

নগদান বইকে খতিয়ান বলার কারণ :

- ১.নগদান বই তৈরির ছক একই রকম।
- ২.ইহা খতিয়ানের হিসাবের মতই পাকা বই।
- ৩.খতিয়ানের মতই নগদান বইয়ের উদ্ভূত নির্ণয় করে রেওয়ামিলে স্থানান্তর করা হয়।
- ৪.নগদান বইতে খতিয়ানের অনুরূপ প্রারম্ভিক ও সমাপনী উদ্ভূত থাকে।
- ৫.নির্দিষ্ট সময় পরপর নগদান বইয়ের উদ্ভূত খতিয়ান হিসাবের মত তৈরি করা হয়।

\*\*\* ৪। “নগদান বই সর্বাবস্থায় ডেবিট ব্যালেন্স প্রকাশ করে”- ব্যাখ্যা কর।

বাকাশিবো- ২০০৬, ০৭, ০৯, ১২'পরি, ১৪, ১৫, ১৫'পরি, ১৬, ১৯

**উত্তরঃ** নগদান বইতে নগদ প্রাপ্তি ও পরিশোধসমূহ লিপিবদ্ধ করা হয়। এতে কখনোই ক্রেডিট ব্যালেন্স দেখানো যায় না। এ বইতে খতিয়ানের মতো দুটি দিক থাকে। একটি ডেবিট দিক এবং অন্যটি ক্রেডিট দিক। নগদান বইয়ের ডেবিট দিকে সকল প্রকার নগদ প্রাপ্তি লিপিবদ্ধ করা হয় এবং ক্রেডিট দিকে সকল প্রকার নগদ প্রদান লিপিবদ্ধ করা হয়। নগদান বইতে সমস্ত লেনদেন লিপিবদ্ধ করার পর একটা নির্দিষ্ট সময় শেষে এর ব্যালেন্স বা জের নিরূপণ করতে হয়। নগদান বইয়ের এই ব্যালেন্স সর্বাবস্থায়ই ডেবিট হয়ে থাকে। এর কারণ হলো মোট নগদ প্রাপ্তির পরিমাণ হতে মোট নগদ প্রদানের পরিমাণ কোনো অবস্থাতে বেশি হতে পারে না। তাই নগদান বই সর্বাবস্থায় ডেবিট ব্যালেন্স প্রকাশ করে।

**SOS****রচনামূলক প্রশ্নোত্তর :**

১। জনাব মোস্তফা জব্বার ‘জব্বার এন্টারপ্রাইজ’ নামে একটি ব্যবসা পরিচালনা করেন। তার ব্যবসায়ে ২০২৩ সালের মার্চ মাসে নিম্নোক্ত লেনদেনগুলো সম্পন্ন হয়েছিল।

২০২৩ ইং

- |       |    |                                                                                         |
|-------|----|-----------------------------------------------------------------------------------------|
| মার্চ | ১  | ব্যাংকের প্রারম্ভিক জের ২৫,০০০ টাকা                                                     |
| "     | ৩  | পণ্য ক্রয় চেকের মাধ্যমে ১০,০০০ টাকা ও বাকিতে ৫,০০০ টাকা                                |
| "     | ৬  | পণ্য বিক্রয় চেকের মাধ্যমে ১৫,০০০ টাকা ও বাকিতে ৮,০০০ টাকা                              |
| "     | ৯  | রবি অ্যান্ড কোং কে চেক দ্বারা প্রদান ৬,০০০ টাকা                                         |
| "     | ১৪ | পরাণের নিকট থেকে চেকের মাধ্যমে পাওয়া গেল ১০,০০০ টাকা                                   |
| "     | ১৭ | ব্যক্তিগত প্রয়োজনে ব্যাংক হতে উত্তোলন করা হলো ৫,০০০ টাকা                               |
| "     | ২০ | গুলশানের সুবল ব্রাদার্সের নিকট প্রতি কেজি ৪০ টাকা দরে ২০০ কেজি চাল নগদে বিক্রয় করা হলো |
| "     | ২২ | ব্যাংক কর্তৃক প্রাপ্য নোটের ৫,০০০ টাকা আদায় হলো                                        |
| "     | ২৫ | সুপন রায়ের নিকট হতে প্রাপ্তি ৪,০০০ টাকা                                                |
| "     | ২৭ | বিজয়ের নিকট প্রাপ্য ৫,০০০ টাকার মধ্যে পূর্ণ নিষ্পত্তিতে আদায় হলো ৪,৮০০ টাকা           |
| "     | ৩১ | দীপ্তের নিকট দেনা ৪,০০০ টাকায় পূর্ণ নিষ্পত্তিতে ৩,৯০০ টাকা প্রদান                      |
- উপর্যুক্ত লেনদেন থেকে একঘরা নগদান প্রস্তুত কর।



## উত্তরঃ

মোস্তুফা এন্টারপ্রাইজ-এর  
একঘরা নগদান বহি

ডেবিট

ক্রেডিট

| তারিখ            | বিবরণ               | র.<br>নং | খ.<br>পৃ. | টাকা   | তারিখ            | বিবরণ           | ভা.<br>নং | খ.<br>পৃ. | টাকা   |
|------------------|---------------------|----------|-----------|--------|------------------|-----------------|-----------|-----------|--------|
| ২০২৩<br>মার্চ ০১ | ব্যালেন্স বি/ডি     |          |           | ২৫,০০০ | ২০২৩<br>মার্চ ০৩ | ক্রয়           |           |           | ১০,০০০ |
| " ০৩             | ব্যাংক              |          |           | ১০,০০০ | " ০৯             | রবি অ্যান্ড কোং |           |           | ৬,০০০  |
| " ০৬             | বিক্রয়             |          |           | ১৫,০০০ | " ১৭             | উত্তোলন         |           |           | ৫,০০০  |
| " ০৯             | ব্যাংক              |          |           | ৬,০০০  | " ২২             | ব্যাংক          |           |           | ৫,০০০  |
| " ১৪             | পরান/প্রাপ্য হিসাব  |          |           | ১০,০০০ | " ২৭             | বাট্টা ব্যয়    |           |           | ২০০    |
| " ১৭             | ব্যাংক              |          |           | ৫,০০০  | " ৩১             | দীপ্ত           |           |           | ৪,০০০  |
| " ২০             | বিক্রয়             |          |           | ৮,০০০  | " ৩১             | ব্যালেন্স সি/ডি |           |           | ৬২,৯০০ |
| " ২২             | প্রাপ্য নোটস্       |          |           | ৫,০০০  |                  |                 |           |           |        |
| " ২৫             | সুপন রায়           |          |           | ৪,০০০  |                  |                 |           |           |        |
| " ২৭             | বিজয়/প্রাপ্য হিসাব |          |           | ৫,০০০  |                  |                 |           |           |        |
| " ৩১             | বাট্টা আয়          |          |           | ১০০    |                  |                 |           |           |        |
|                  |                     |          |           | ৯৩,১০০ |                  |                 |           |           | ৯৩,১০০ |
| ২০২৩<br>এপ্রিল-১ | ব্যালেন্স বি/ডি     |          |           | ৬২,৯০০ |                  |                 |           |           |        |

**Note :** ২০ তারিখের লেনদেনের জন্য ক্যাশ মেমো তৈরি করা হয়েছে। এর অর্থ হচ্ছে লেনদেনটি নগদে সম্পাদিত হয়েছে এবং এ কারণে লেনদেনটি নগদান বইতে দেখানো হয়েছে।



২। মেসার্স আকমল অ্যান্ড কোং-এর নিম্নলিখিত লেনদেনগুলো অবলম্বনে একখানি তিনঘরা নগদান বই তৈরি কর।

বাকশিবো-২০২০

২০২৩

- জানু ১ নগদ তহবিল ২০,০০০ টাকা এবং ব্যাংক জমার উদ্ধৃত ২,৩০,০০০ টাকা।
- " ৪ সবুজের নিকট হতে নগদে পণ্য ক্রয় ২৫,০০০ টাকা।
- " ৮ লোকমান-এর নিকট হতে ৭৫,০০০ টাকার দেনার পূর্ণনিষ্পত্তি সাপেক্ষে ১০% বাট্টা মঞ্জুর করে একখানি চেক পাওয়া গেল। প্রাপ্ত চেকখানি সাথে সাথে ব্যাংক জমা দেয়া হলো।
- " ১০ ব্যাংক হতে উত্তোলন ২৫,০০০ টাকা।
- " ১৪ নাসিমকে চেকের মাধ্যমে পরিশোধ করা হলো ১০,০০০ টাকা।
- " ১৮ হাদীর নিকট হতে ৪,০০০ টাকা পাওয়া গেল এবং ৫০০ টাকা বাট্টা মঞ্জুর করা হলো।
- " ২৪ রাজুর ৭০,০০০ টাকার পাওনা নিষ্পত্তিতে ৬৮,০০০ টাকার চেক প্রদান করা হলো।
- " ২৬ আমাদের স্বীকৃত প্রদেয় বিল নগদে পরিশোধ হলো ২,০০০ টাকা।
- " ৩০ ব্যাংক ধার্যকৃত চার্জ ৪০০ টাকা এবং মঞ্জুরীকৃত সুদ ৫০০ টাকা।
- " ৩০ চেকে কর্মচারীকে বেতন প্রদান করা হলো ১৫,০০০ টাকা।

উত্তরঃ

মেসার্স আকমল অ্যান্ড কোং-এর  
তিনঘরা নগদান বই

ডেবিট

ক্রেডিট

| তারিখ           | বিবরণ              | র. নং | খ. পূ. | নগদ টাকা | ব্যাংক টাকা | বাট্টা টাকা | তারিখ          | বিবরণ               | র. নং | খ. পূ. | নগদ টাকা | ব্যাংক টাকা | বাট্টা টাকা |
|-----------------|--------------------|-------|--------|----------|-------------|-------------|----------------|---------------------|-------|--------|----------|-------------|-------------|
| ২০২৩<br>জানু- ১ | ব্যালেন্স বি/ডি    |       |        | ২০,০০০   | ২,৩০,০০০    |             | ২০২৩<br>জানু-৪ | ক্রয় হিসাব         |       |        | ২৫,০০০   |             |             |
| " ৮             | প্রাপ্য হিঃ-লোকমান |       |        |          | ৬৭,৫০০      | ৭,৫০০       | " ১০           | নগদান হিসাব         |       | (C)    |          | ২৫,০০০      |             |
| " ১০            | ব্যাংক হিসাব       |       | (C)    | ২৫,০০০   |             |             | " ১৪           | প্রদেয় হিসাব-নাসিম |       |        |          | ১০,০০০      |             |
| " ১৮            | প্রাপ্য হিসাব-হাদী |       |        | ৪,০০০    |             | ৫০০         | " ২৪           | প্রদেয় হিসাব-রাজু  |       |        | ২০০০     | ৬৮,০০০      | ২০০০        |
| " ৩০            | ব্যাংক সুদ হিসাব   |       |        |          | ৫০০         |             | " ২৬           | প্রদেয় বিল হিসাব   |       |        |          | ৪০০         |             |
|                 |                    |       |        |          |             |             | " ৩০           | ব্যাংক চার্জ হিসাব  |       |        |          | ১৫,০০০      |             |
|                 |                    |       |        |          |             |             | " ৩০           | বেতন হিসাব          |       |        | ২২,০০০   | ১,৭৯,৬০০    |             |
|                 |                    |       |        |          |             |             | " ৩১           | ব্যালেন্স সি/ডি     |       |        |          |             |             |
|                 |                    |       |        | ৪৯,০০০   | ২,৯৮,০০০    | ৮,০০০       |                |                     |       |        | ৪৯,০০০   | ২,৯৮,০০০    | ২,০০০       |
| ফেব্রু-১        | ব্যালেন্স বি/ডি    |       |        | ২২,০০০   | ১,৭৯,৬০০    |             |                |                     |       |        |          |             |             |

উত্তর : হাতে নগদ ২২,০০০ টাকা, ব্যাংকে জমা ১,৭৯,৬০০ টাকা, প্রাপ্ত বাট্টা ২,০০০ টাকা ও প্রদত্ত বাট্টা ৮,০০০ টাকা।